

NË EMËR TË POPULLIT

GJYKATA THEMELORE NË FERIZAJ-DEPARTAMENTI PËR KRIME TË RËNDA, si gjykatë e shkallës së parë penale, me kryetarin e trupit gjykues Musa Konxheli, bashkëpunëtoren profesionale Mirlinda Bytyqi Rexhepi, në çështjen penale ndaj te pandehurve E.Q. nga Fsh..... K.Ferizaj dhe N.Rr. nga Ferizaj, për shkak të veprës penale blerja, posedimi, shpërndarja dhe shitja e paautorizuar e narkotikëve substancave psikotrope dhe analoge nga neni 273 par.1 të KPRK-së, sipas aktakuzës së Prokurorisë Themelore në Ferizaj-Departamenti për Krime të Rënda, PP/I.nr.116/16 te dt. 28.12.2016 në praninë e Prokurorit të shtetit Florije Salihu Shamolli, të pandehurve E.Q. dhe N.Rr., pas mbajtjes së shqyrtimit fillestar publik më dt.08.02.2017 sjell dhe publikisht shpalli këtë :

A K T G J Y K I M

I pandehuri: E.Q. nga fsh..... K.Ferizaj, data e lindjes.....në në Gjilan, me vendbanim në Ferizaj rr”.....”nr....., i biri i H. dhe nënës Xh. e vajzërisë M., shqiptar, shtetas i R. Kosovës, ka te kryer shkollën fillore, i pa martuar, i gjendjes së varfër ekonomike,

I pandehuri N.Rr. nga Ferizaj rr., data e lindjes.....në fsh..... K.Shtërpç, biri i F. dhe nënës Z. e vajzërisë H., i pa martuar, shqiptar, shtetas i R. Kosovës, ka te kryer shkollën fillore, i pa martuar, i gjendjes së varfër ekonomike,

JANË FAJTOR

Me datën 30.07.2016 rreth ores 16:20 në fshatin Jezerc K.Ferizaj gjatë një kontrolli nga ana e policies të cilët po ushëtonin me veturën e tipit Jeep, ngjyrë e kaltërt me targa, të cilën veturë e drejtonte I pandehuri E.Q. ku në të njëjtën veturë ishin edhe L.A. dhe Q.B., gjatë një jkontrolli policia tek të pandehurit

E.Q. është gjetur një qese e najlonit me substance të llojit kanabis Marihuane që përmban tetrahidrokanabinol (THC) me peshë 9.95 gram dhe një mulliri për bluarje, ndërsa tek të pandehurit N.Rr. është gjetur një substance narkotike të llojit kanabis Marihuane që përmban Tetrahidrokanabinol (THC) me peshë prej 1.21 gram, e të cilat substance I kanë mbajtur pa autorizim me qëllim të shitjes apo shpërndarjes e që me ligj janë shpallur si narkotik substance psikotrope apo analoge e të cilat janë konfiskuar nga ana e policisë

me të cilën kanë kryer veprën penale blerja, posedimi, shpërndarja dhe shitja e paautorizuar e narkotikëve substancave psikotrope dhe analoge nga neni 273 par.1 lidhur me nenin 31 të KPRK-së

Andaj gjykata duke u bazuar ne dispozitat ligjore te neneve **3, 4, 7, 41, 42, 43, 45, 46, 49, 50, 52, 73, 75, 76 par.1 nenpar.1.3 te KPRK-se dhe nenit 359 e 365 te KPPRK-se**

AKTGJYKIM FAJESUES

G J Y K O N

I pandehuri E.Q.

DENIM ME GJOBË në shumën prej 200 euro i cili dënim do te ekzekutohet pas plotfuqishmërise se ketij aktgjykimi nën kërcenimin e përmarimit me dhunë

ME DËNIM BURGIMI: në kohëzgjatje prej **2 (dy) vite I cili dënim** nuk do te ekzekutohet nese i pandehuri gjate periudhes verifikuese ne afat prej 2 viteve nga plotefuqishmeria e ketij aktgjykimi nuk kryen veper penale tjeter te kesaj natyre.

I pandehuri N.RR.

DENIM ME GJOBË në shumën prej 200 euro i cili dënim do te ekzekutohet pas plotfuqishmërise se ketij aktgjykimi nën kërcenimin e përmarrimit me dhunë

ME DËNIM BURGIMI: në kohëzgjatje prej 2 (dy) vite I cili dënim nuk do te ekzekutohet nese i pandehuri gjate periudhes verifikuese ne afat prej 2 viteve nga plotefuqishmeria e ketij aktgjykimi nuk kryen veper penale tjeter te kesaj natyre.

Konform nenit 273 par.5 të KPPRK-së, konfiskohen në mënyre te përhereshme: substance narkotike të llojit kanabis Marihuane që përmban Tetrahidrokanabinol (THC) me peshë prej 11.16 gram

URDHEROHET Policia e Kosoves qe pas plotëfuqishmërise së ketij aktgjykimi ta bëj shkatrrimin e substance narkotike të llojit kanabis Marihuane që përmban Tetrahidrokanabinol (THC) me peshë prej 11.16 gram.

Të akuzuarit E.Q. dhe N.Rr. obligohen që në emër të shpenzimeve ta paguaj secili paushallin gjyqësor në shumë prej 30/tridhjetë/ euro, në afat prej 15 ditësh nga dita e plotëfuqishmërise së këtij aktgjykimi.

A r s y e t i m

Historiku i procedures

Prokuroria e Themelore në Ferizaj-Departamenti për Krime të Rënda, me aktakuzën PP/I.nr.116/16 te dt.28.12.2016 i ka ngarkuar të pandehurit E.Q. dhe N.Rr. nga Ferizaj, për shkak te veprës penale blerja, posedimi, shpërndarja dhe shitja e paautorizuar e narkotikëve substancave psikotrope dhe analoge nga neni 273 par.1 të KPRK-së

Gjykata duke vepruar sipas kësaj çështje penale mbajti shqyrtimin fillestar gjyqësor më dt. 08.02.2017 në të cilin prokurori i shtetit Florije Salihu Shamolli në tërësi ka mbetur pranë akuzës duke i propozuar gjykatës që te pandehurit ti shpallë fajtor për veprën penale si qe është përshkruar ne dispozitivin e aktakuzes dhe tiu shqiptohet dënimi sipas ligjit.

Të pandehurit E.Q. dhe N.Rr. nga Ferizaj, në shqyrtimin fillestar gjyqësor e kanë pranuar fajsinë me të cilën i ka ngarkuar akuza duke premtuar se ne te ardhmen asnjëherë nuk do te kryejnë vepra penale tjera apo te ngjashme.

Meqenëse të pandehurit E.Q. dhe N.Rr. kanë pranuar fajësinë për vepren penale për të cilën e ngarkon aktakuza në të gjitha pikat e sajë, i cili pranim është në përputhje me kriteret e përcaktuara me neni 248 par.1 të KPPK-së, kryetari i trupit gjykues pasi paraprakisht ka marr edhe mendimin e prokurorit te shtetit, konform nenit 248 par.5 të KPPRK-së ka pranuar fajësinë e të pandehurve në shqyrtimin fillestar.

Analiza e ligjit material

Vlerësuar nga aspekti juridik gjykata gjeti se në veprimet e të pandehurve ekzistojne elementet e vepres penale blerja, posedimi, shpërndarja dhe shitja e paautorizuar e narkotikëve substancave psikotrope dhe analoge nga neni 273 par.1 të KPRK-së

Kryerja e veprave penale nga të akuzuarit vertetohet edhe nga provat tjera te propozuara nga prokurori I shtetit ne aktakuzen e cila eshte objekt shqyrtimi dhe ate: Vertetimi mbi sekuestrimin e sendeve I dt.30.07.2016, raporti ekspertize leshuar nga njësia e shkencave ligjore- analizave kimike I dates 12.12.2016 si dhe fotografit qe gjenden ne shkresa te lendes.

Përcaktimi i dënimit

Me rastin e matjes së llojit dhe lartësisë së dënimit gjykata vlerësoi të gjitha rrethanat në kuptim të nenit 73, 74 dhe 75 dhe 76 te KPRK-se. Sipas nenit 74 par.3 nenpar.3.10 dhe 3.11 te KPRK-se, si rrethanë veçanërisht lehtësuese për të pandehurit mori pranimin e fajësisë, dhe keqardhjen te shfaqur nga të pandehurit. Të njëjtit pas kryerjes se kësaj vepre penale janë penduar dhe janë zotuar se në të ardhmen nuk do të përsëris vepra të tilla penale, Gjykata mori parasysh edhe llojin e narkotikut qe eshte gjetur tek të pandehurit si dhe sjelljen korrekte gjatë procedurës.

Si rrethana rënduese gjykata vlerësoi dashjen e të pandehurve, pastaj shkallën e përgjegjësisë penale dhe rrezikshmërinë konkrete të veprës penale, andaj në kuptim të gjitha këtyre rrethanave të pandehurit i gjykoi me dënim të pëcaktuar si në dispozitiv të këtij aktgjykimi I cili dënim është në minimumin e paraparë ligjor, me të cilat dënime do të arrihet qëllimi ndëshkimor në kuptim të nenit 41 të KPRK-së që të njëjtit ti parandalojë nga kryerja e veprave penale në të ardhmen dhe të bëjë rehabilitimin e tyre si dhe të përmbajë persona të tjerë nga kryerja e veprave penale si dhe Iu ka shqiptuar secilit nga të pandehurit **DENIM ME GJOBË** në shumën prej 200 euro **ME DËNIM BURGIMI: në kohëzgjatje prej 2 (dy) vite I cili dënim** nuk do të ekzekutohet nese të pandehurit gjate periudhes verifikuese ne afat prej 2 viteve nga plotefuqishmeria e ketij aktgjykimi nuk kryejnë veper penale tjeter te kesaj natyre.

Konform nenit 273 par.5 të KPPRK-së, konfiskohen në mënyre te përhereshme: substance narkotike të llojit kanabis Marihuane që përmban Tetrahidrokanabinol (THC) me peshë prej 11.16 gram.

Konform nenit 450 par.2 pika 2.6 të KPPRK-së, i akuzuari u obligua që në emër te shpenzimeve ta paguaj paushallin gjyqësor në shumë prej 30/tredhjetë/ euro, në afat prej 15 ditësh nga dita e plotfuqishmerise se këtij aktgjykimi.

Nga arsyet e lartë përmendura është vendos si në dispozitiv të këtij aktgjykimi.

**GJYKATA THEMELORE NË FERIZAJ-
DEPARTAMENTI PËR KRIME TË RËNDA,
PKR.nr.197/16 dt. 08.02.2017**

Bashkëpunëtore profesionale

Mirlinda Bytyqi Rexhepi

Kryetari i trupit gjykues

Musa Konxheli

KËSHILLA JURIDIKE

Kundër këtij aktgjykimi është e lejuar ankesa, Gjykatës së Apelit në Prishtinë në afat prej 15 ditësh nga dita e pranimit të kopjes me shkrim të këtij aktgjykimi, për mes kësaj gjykate.